



**ИНД-39**

Иргэний Нисэхийн Багц Дүрэм

**Нислэгт тэнцэх чадварын удирдамж**

Иргэний нисэхийн ерөнхий газар

## **ДҮРМИЙН ТАЙЛБАР**

ИНД-39 нь дараах шаардлагыг тогтооно:

- үйл ажиллагаа эрхлэгчийн нислэгт тэнцэх чадварын удирдамжийн хэрэгжүүлэлт;
- нислэгт тэнцэх чадварын удирдамжид заагдсан шаардлагыг хэрэгжүүлэлтийн өөр хэлбэрээр хангах зөвшөөрөл.

**Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-39-ийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-39, түүний нэмэлт, өөрчлөлтийн хуулбарыг ИНЕГ-аас, эсхүл [www.mcaa.gov.mn](http://www.mcaa.gov.mn) веб сайтаас татаж авах боломжтой.**

**Мэдээлэл**

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 дугаар сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн энэхүү багц Дүрмийг боловсруулсан.

**Өөрчлөлтийн түүх****Хүчин төгөлдөр огноо**

Анхны боловсруулалт	2001 оны 10 сарын 01
Нэмэлт, өөрчлөлт 1	2007 оны 05 сарын 04
Нэмэлт, өөрчлөлт 2	2008 оны 02 сарын 29
Нэмэлт, өөрчлөлт 3	2009 оны 09 сарын 16
Нэмэлт, өөрчлөлт 4	2010 оны 05 сарын 07
Нэмэлт, өөрчлөлт 5	2015 оны 09 сарын 01
Нэмэлт, өөрчлөлт 6 (Шинэчлэлт)	2018 оны ... сарын ...

**Тэмдэглэл:** ИНД-39-ийн шинэчлэлтийг англи болон монгол хэл дээр, NZ Part 39 A.1-д үндэслэн боловсруулсан болно.

---

**Гарчиг**

<b>А Бүлэг — Ерөнхий зүйл.....</b>	<b>5</b>
39.1. Зорилго.....	5
39.3. Дүрмийн шаардлагаас чөлөөлөх.....	5
<b>В Бүлэг — Нислэгт тэнцэх чадварын удирдамж.....</b>	<b>5</b>
39.51. Хэрэгжүүлэлт .....	5
39.53. Хэрэгжүүлэлтийн өөр хэлбэр.....	5
39.55. Хойшлуулсан хэрэгжүүлэлт .....	6
39.57. Нислэгт тэнцэх чадварын хадгалалтын бусад зааварчилгаатай зөрчилдөх...	6

## **А Бүлэг — Ерөнхий зүйл**

### **39.1. Зорилго**

Энэ Дүрэм нь дараах шаардлагыг тогтооно:

- (1) үйл ажиллагаа эрхлэгчийн Нислэгт тэнцэх чадвар (цаашид НТЧ гэх)-ын Удирдамжийн хэрэгжүүлэлт;
- (2) НТЧ-ын Удирдамжид заагдсан шаардлагыг хэрэгжүүлэлтийн өөр хэлбэрээр хангах зөвшөөрөл.

### **39.3. Дүрмийн шаардлагаас чөлөөлөх**

Дарга энэ дүрмийн 39.51-ийн шаардлагаас чөлөөлөхгүй.

## **В Бүлэг — Нислэгт тэнцэх чадварын удирдамж**

### **39.51. Хэрэгжүүлэлт**

(a) Агаарын хөлгөөр үйл ажиллагаа эрхлэгч нь дараахаас бусад тохиолдолд тухайн агаарын хөлгөөр үйл ажиллагаа эрхлэхийг хориглоно:

- (1) хуульд заасны дагуу Даргын гаргасан, хамааралтай НТЧ-ын Удирдамж бүрийг хангасан байх;
- (2) аливаа агаарын хөлгийн хувьд:
  - (i) тухайн агаарын хөлгийг зохион бүтээгч улсын гаргасан хамааралтай НТЧ-ын удирдамж бүрийг хангасан байх;
  - (ii) тухайн агаарын хөлөгт ашиглагдаж буй нисэхийн бүтээгдэхүүнийг зохион бүтээгч улсын гаргасан хамааралтай НТЧ-ын удирдамж бүрийг хангасан байх; эсхүл
- (3) энэ хэсгийн (1) болон (2)-т заасны дагуу тухайн агаарын хөлөгт хамааралтай НТЧ-ын Удирдамжийг 39.53-ын дагуу Даргын зөвшөөрсөн хэрэгжүүлэлтийн өөр хэлбэрээр хангасан байх.

(b) Даргаас агаарын хөлгийн Яаралтай НТЧ-ын Удирдамжийн мэдэгдэл авсан этгээд нь тухайн агаарын хөлөгт Монгол Улсын бүртгэлийн гэрчилгээ эзэмшдэггүй бол гэрчилгээ эзэмшигч биш гэдгээ Даргад нэн даруй мэдэгдэх үүрэгтэй.

### **39.53. Хэрэгжүүлэлтийн өөр хэлбэр**

(a) Энэ дүрмийн 39.51(a)(1) болон (a)(2)-т шаардсан НТЧ-ын Удирдамжийн шаардлагыг хэрэгжүүлэх үүрэгтэй, агаарын хөлгөөр үйл ажиллагаа эрхлэгч нь НТЧ-ын Удирдамжид заагдсан шаардлагыг хэрэгжүүлэлтийн өөр хэлбэрээр хангах зөвшөөрлийн хүсэлтийг Даргад гаргаж болно.

(b) Энэ зүйлийн (a)-ийн дагуу НТЧ-ын Удирдамжийг хэрэгжүүлэлтийн өөр хэлбэрээр хангах зөвшөөрлийн хүсэлт гаргагч нь:

(1) САА 24039/01 маягтыг бөглөж;

(2) хуулийн дагуу, дүрэмд заасан зохих төлбөрийн баримтын хамт Даргад хүргүүлэх үүрэгтэй.

(с) Хэрэв Дарга, тухайн НТЧ-ын Удирдамжид заагдсан шаардлагыг НТЧ-ын Удирдамжийн хэрэгжүүлэлтийн өөр хэлбэрээр хэрэгжүүлснээр аюулгүй байдлын дүйцэх түвшинг хангана гэж үзвэл, Дарга тухайн хэрэгжүүлэлтийн өөр хэлбэрийг үйл ажиллагаа эрхлэгчид зөвшөөрч болно.

### **39.55. Хойшлуулсан хэрэгжүүлэлт**

Хэрэв НТЧ-ын Удирдамж нь агаарын хөлөг, эсхүл агаарын хөлөгт суурилуулсан нисэхийн бүтээгдэхүүнд дараалсан үзлэг хийхийг шаардаж байгаа бол, тухайн агаарын хөлгөөр үйл ажиллагаа эрхлэгч нь тухайн НТЧ-ын удирдамжаар тусгайлан хориглосноос бусад тохиолдолд, тухайн эхний үзлэгээс бусад, шаардсан үзлэгийг НТЧ-ын Удирдамжид заасан үзлэгийн давтамжийг 10 хувиас илүүгүй хугацаагаар хойшлуулж, дараагийн хуваарьт техник үйлчилгээний үеэр гүйцэтгэхийг зөвшөөрч болно.

### **39.57. Нислэгт тэнцэх чадварын хадгалалтын бусад зааварчилгаатай зөрчилдөх**

Хэрэв НТЧ-ын Удирдамжид заасан тухайн шаардлага нь НТЧ-ын хадгалалтын холбогдох бусад зааварчилгаатай зөрчилдвөл, НТЧ-ын Удирдамжид заасан тухайн шаардлага нь давамгайлна.

--oOo--